



GUERZ ANN ESKOP GWENN,^(*)

An Aotrou JOSEPH-MARI GRAVRAN, maro e
Kemper, ann deiz kenta "viz. C'houeverer
1855, d'ann hoad a eur bloaz ha tri-ugent.

*Verbum crucis Dei virtus.
E komz ar groaz e ma nerz Doue.*

WAR DON : *Gwerz Santez Anna Wenet.*

Rouanez vraz Breiz-Izel, Gwerc'hez vad Remengol,
C'houi zo karat ho e'hano ha meulet gant annholl;
Astennit ho tourn war-n-honn bag e kaninn breman,
Eur werz da eunn den santel, JOSEPH-MARI GRAVRAN.

(*) L'Oraison funèbre de Mgr. GRAVERAN a été prononcée à la Cathédrale par M. Léopold de Léséleuc de Kerouara, Chanoine et Vicaire général de Quimper. Sa vie a été écrit et publiée par M. Maupied,

ANN AOUTROU PER KERLOC'H
PERSON' HANVEC
MARO AR 17 A VIS GUENVER 1860.

*Mementate præpositorum vestiarum qui vobis
luculi sunt verbum Dei: quorum intuentes exi-
tum conversationis, imitamini fidem.*

Hebr XIII. 7.

Ho pet sonj euz ho pastoret, pere o deuz pre-
zeget deoc'h komzou Doue; hag o velet penoz
hint maro bezit, evel ho, tud a feiz.

Sant Pol, hebr : chab. XIII, v. 7.

VAR DON : *Eun Doue ebken a adori.*

Kerloc'h, kousk e peoc'h, va mignon,
Belek mad ont bed e guirion,
Doue, d'ha nesa c'heuz karet,
Ar beorien noaz a c'heus guisket.

Karet a c'heuz ive, dreist oll,
Ar Werc'hez, Itron Remengol;
Gra brema e peoc'h da ziskuiz
E douar santel he Iliz.

Ken a zeuio en d'ha skouarn
Da zôn trompil skiltroz ar varn,
Kalz krenyoec'h evit trouz ar c'huéor,
Kalz krenyoec'h evit trouz ar mor.

Sant Kaourintin, sant Guenole,
An Escop gwen Gravran ive,
O deuz, en env, diguemeret
D'ha ene glân gant joauzdet.

Lavar dez-ho ha da sent Breiz,
E kendale'homp bepret ar feiz,
Lavar d'ar Roue koz Gralon,
E zomp bepret tud a galon.

Kerloc'h e palez an Dreindet,
Ped Doue 'vit d'ha vignonet,
Hag ez aint ive da repoz
Gan-ez e joa ar Baradoz

I.-P.-M. AR SKOUR.

Imprimet e Montroulez, e ty J. HASLÉ.